



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-721/2017
Dana, 23.03.2017. godine



SKUPŠTINA UNSKO-SANSKOG KANTONA

PREDMET: Program rada sa finansijskim planom ZU Dom zdravlja Bihać
za 2017. godinu, dostavlja se;-

Na osnovu člana 185. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu vam dostavljamo Program rada sa finansijskim planom ZU Dom zdravlja Bihać za 2017. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 23.03.2017. godine, razmatrala i prihvatila Program rada sa finansijskim planom ZU Dom zdravlja Bihać za 2017. godinu, obrađivača ZU Dom zdravlja Bihać, te vam isti dostavljamo na razmatranje.

PRILOG: - Program rada (6x)

PREMIJER KANTONA
mr.sc. Husein Rošić

Z.U. Dom zdravlja Bihać



Identifikacioni broj : 4263016530005
PDV: 263016530005
Registarski broj : 1003096359
ID: 4263016530005
UniCredit bank: 3385002200718265

A: Put V korpusa bb
T: + 387 37 31 24 24 direkcija
+ 387 37 31 24 23 centrala
F: + 387 37 31 24 21
E: kadrovska@dzbihac.com

Broj: 695-1/17.
Bihać, 06.03.2017. godine.

07-03-2017

09-05-2640-1/2


BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
Vlada USK-a
Skupština USK-a
P u t e m
**Kantonalno ministarstvo zdravstva
i socijalne politike
B I H A Ć**

PREDMET: Program rada za 2017. godinu – dostavlja se.

Dana 01.02.2017. godine aktom broj: 257/17 od 30.01.2017. godine obavijestili smo naslov da ZU Dom zdravlja Bihać od 11.11.2016. godine nema imenovan organ upravljanja/Upravni odbor koji bi, u skladu sa Odlukom o metodologiji i rokovima za izradu programa rada (broj: 01-02-3-672/14), utvrdio i usvojio Program rada ZU za 2017. godinu.

Kako do danas nismo dobili tražene upute i smjernice za naše postupanje i kako i dalje nemamo imenovan organ upravljanja u prilogu dostavljamo Program rada ZU Dom zdravlja Bihać za 2017. godinu i Finansijski plan Zu za 2017. godinu, potpisan od strane predlagača, tj. V.D. direktora ZU.

S poštovanjem,



V.D. DIREKTOR:

dr. Rimeta Mujadžić
spec. za stomatologije

Rimeta Mujadžić

**ZDRAVSTVENA USTANOVA
DOM ZDRAVLJA BIHAĆ**

**PROGRAM RADA
ZU DOM ZDRAVLJA BIHAĆ ZA 2017. GODINU**

Bihać, januar 2017.godine

Program rada ZU Dom zdravlja Bihać za 2017. godinu

Sadržaj

I UVOD	2
1. Profil ZU Dom zdravlja Bihać.....	2
II NORMATIVNI DIO.....	5
III TEMATSKI DIO.....	5
1. Strateški ciljevi razvoja Doma zdravlja Bihać 2015-2019.godine.....	5
2. Operativni ciljevi za rad ZU DZ Bihać u 2017.godini.....	6
3. Rizici.....	6
4. Program rada ZU DZ Bihać za 2017.godinu.....	8
IV KONTINUIRANE AKTIVNOSTI.....	10
1. Kontinuirane aktivnosti u 2017.godini zdravstvenog sektora.....	10
2. Kontinuirane aktivnosti u 2017.godini nezdravstvenog sektora.....	11
2.1. Organizacija rada, upravljanje i rukovođenje.....	11
2.2. Ljudski resursi.....	12
ZAKLJUČAK	15

Program rada ZU Dom zdravlja Bihać za 2017. godinu

Na osnovu člana 27. Zakona o ustanovama (Sl.list RBiH broj 6792, 8793 i 13794) i člana 21 Statuta ZU Dom zdravlja Bihać, Upravni odbor je na sjednici održanoj ____2017.godine, a na prijedlog VD direktora DZ Bihać donio:

PROGRAM RADA ZU DOM ZDRAVLJA BIHAĆ ZA 2017.GODINU

I UVOD

Program rada Doma zdravlja Bihać za 2017.godinu izrađen je u skladu sa važećom Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona broj 01-02-3-672/14 od 03.02.2014godine.

1. Profil ZU Dom zdravlja Bihać

NAZIV:	ZU Dom zdravlja Bihać
SJEDIŠTE:	Put petog korpusa bb Bihać
DJELATNOST:	Zdravstvena
PRAVNI STATUS:	Javna ustanova u državnoj svojini
IDENTIFIKACIONI BROJ (ID):	426 301 653 0005
TELEFON:	+ 387 37 31 24 24
VD DIREKTOR:	dr Kimeta Mujadžić, spec.opće stomat.
UPRAVNI ODBOR:	_____
REVIZIJA:	Rew Est, Cazin

Program rada ZU Dom zdravlja Bihać za 2017. godinu

Zdravstvena ustanova Dom zdravlja Bihać je upisana u sudski registar pod brojem U-I-8-2000 od 03.03.2000.godine i pravni je nasljednik JU Primarna zdravstvena zaštita Bihać. Osnivač je Skupština Unsko-sanskog kantona Odlukom broj: 01-1-106/98 od 08.09.1998.godine. Šifra djelatnosti je 85-121, registarski broj 1003096359.

ZU Dom zdravlja Bihać je zdravstvena ustanova koja pruža usluge primarne i dijelom specijalističko - konsultativne zdravstvene zaštite za stanovnike - osiguranike Općine Bihać, a prema načelima sveobuhvatnosti, kontinuiranosti, dostupnosti i načelima cjelovitog pristupa u skladu sa mrežom i kapacitetima cjelovitog pristupa.

Prema zakonu o zdravstvenoj zaštiti primarna zdravstvena zaštita obuhvata:

1. rano otkrivanje, sprečavanje i suzbijanje uzroka oboljenja i povređivanja
2. sudjelovanje u podizanju i održavanju psihofizičke i zdravstvene sposobnosti radnika
3. brigu za očuvanje zdravlja i liječenje svih članova porodice
4. provođenje mjera zdravstvene zaštite i brigu o zdravstvenom stanju i unapređenju zdravlja učenika, omladine, studenata kao i brigu o zdravstvenom stanju građana starijih od 65 godina, invalida i drugih osoba
5. zdravstvenu zaštitu nespecifičnih i specifičnih plućnih oboljenja
6. praćenje higijensko-epidemiološke situacije u životnoj i radnoj okolini
7. provodi edukaciju zdravstvenih radnika.

Primarna zdravstvena zaštita naročito provodi:

- 1) mjere zdravstvene zaštite djece predškolskog uzrasta
- 2) brigu o zdravstvenoj zaštiti žena za vrijeme trudnoće i porođaja
- 3) mjere za promociju prirodne ishrane dojenčeta
- 4) mjere zdravstvene zaštite osoba sa smetnjama u razvoju
- 5) ispitivanje nepovoljnog uticaja okoline za zdravstveno stanje stanovništva
- 6) hitnu medicinsku pomoć
- 7) liječenje u ordinaciji odnosno u stanu bolesnika
- 8) kurativne i rehabilitacijske mjere
- 9) mjere prevencije, liječenja i saniranja zuba i usta
- 10) snabdijevanje lijekovima i drugim sredstvima za liječenje
- 11) upućivanje pacijenata na specijalističko-konsultativne preglede, te na bolničko liječenje
- 12) kordiniranje i provođenje nužnih dijagnostičkih i terapijskih postupaka

Djelatnost ZU Dom zdravlja Bihać organizuje se i provodi u centralnoj zgradi Doma zdravlja Bihać (Put petog korpusa bb), te područnim ambulancama: Izačić, Vrsta, Gata, Brekovića, Srbaljani, Ripač, Orašac, Kulen Vakuf, Martin Brod, Zavalje, Ozimice I, Ozimice II, što govori da je primarnom zdravstvenom zaštitom pokriveno područje Općine Bihać.

Pored pružanja primarne zdravstvene zaštite stanovništvu opštine Bihać u DZ Bihać može dobiti i usluge specijalističko-konsultativne zaštite te mnogobrojne usluge na lični zahtjev naših korisnika.

Organizacija rada: U skladu sa Odlukom o osnivanju, Statutom Doma zdravlja Bihać te Pravilnikom o radu, unutrašnjoj organizaciji i sistematizaciji poslova ustanovu čine dva sektora Sektor medicinskih i Sektor nemedicinskih poslova. Sektori su funkcionalno uvezani tako da omogućavaju pružanje zdravstvenih usluga u okviru registrirane djelatnosti.

Ljudski resursi:

Pravilnik o radu, unutrašnjoj organizaciji i sistematizaciji radnih mjesta usvojenog na sjednici Upravnog odbora 13.02.2014.godine, za pružanje kvalitetne zdravstvene zaštite stanovništvu općine Bihać predviđa 288 zaposlenika. Na dan 31.12.2016.godine uposlano je 259 zaposlenika, što odgovara potpunosti od 90% u odnosu na važeću sistematizaciju. Ugovorom o pružanju zdravstvene zaštite sa ZZO USK broj finansiranih zaposlenika je 222 sa procentom finansiranja 86%.

Svi uposljeni doktori medicine (35), doktori stomatologije (13), registrirani su u nadležnim komorama i posjeduju neophodne licence za rad. Zdravstveni tehničari takođe posjeduju licence za rad.

Od ukupnog broja ljekara i stomatologa počasnno zvanje "primarijus" ima 9.

Odnos medicinskih i nemedicinskih radnika je 77:23. Osim redovno uposlenih tri ljekara (specijalista neuropsihijatar, radiolog i spec. medicine rada), te medicinski saradnik (magistar biohemije) su do daljnjeg- završetka specijalizacija, stalno angažirani. Za obavljanje usluga na komercijalnoj osnovi (sistematski pregledi i sl.) DZ Bihać povremeno angažira nedostajući kadar.

Finansiranje:

Finansiranje rada ZU Dom zdravlja Bihać se ostvaruje u skladu sa Ugovorom o pružanju zdravstvene zaštite osiguranicima grada Bihać potpisanim između ZU Dom zdravlja Bihać i Zavoda zdravstvenog osiguranja USK kojim je utvrđena naknada za finansiranje zdravstvenog programa. Ovim sredstvima se pokrivaju troškovi bruto plaća zaposlenih, naknade po Kolektivnom ugovoru, topli obrok, prijevoz, regres i materijalni troškovi rada doma zdravlja. Naknada sredstava za pokrivanje troškova amortizacije u 2016.godini nije predviđena ovim ugovorom kao ni ranijih godina, pa će te troškove biti potrebno pokrivati iz redovnog poslovanja. Osim ovog- osnovnog izvora finansiranja iz budžeta ZZO USK, Dom zdravlja Bihać ostvaruje dodatna finansijska sredstva pružanjem zdravstvenih usluga na lični zahtjev pravnih i fizičkih lica kao i donacija u novcu i opremi. I u 2016.godini to će biti dodatni izvor finansiranja.

II NORMATIVNI DIO

Zakonski osnov djelovanja Doma zdravlja Bihać baziran je na:

- Zakonu o zdravstvenoj zaštiti,
- Zakon o javnim ustanovama,
- Zakonu o obligacionim odnosima,
- Zakonu o javnim nabavkama,
- Ostali propisi koji regulišu poslovanje zdravstvenih ustanova,
- Interni akti Ustanove.

U toku 2017.godine Odsjek za pravne poslove izvršioće usklađivanje normativnih akata sa novim Zakonom o radu (Pravilnik o radu sa sistematizacijom radnih mjesta), izmjena postojećeg Pravilnika o blagajničkom poslovanju, Pravilnika o finansijskom poslovanju, izraditi Pravilnik o voznom parku, Vodič za pristup informacijama u ZU DZ Bihać, Indeks registar informacija.

III TEMATSKI DIO

Osnovni akti koji u izradi strategije Doma zdravlja Bihać služe kao temeljna smjernica jeste Strategija primarne zdravstvene zaštite u FBiH i Strategija razvoja zdravstva na USK.

1. Strateški ciljevi razvoja Doma zdravlja Bihać 2015-2019.godine

Polazeći od Vizije i Misije ZU Dom zdravlja Bihać, Upravni odbor ZU DZ Bihać je u januaru 2016.godine utvrdio Strateške pravce razvoja ZU DZ Bihać za period 2015-2019.godine, a na osnovu Plana i programa za mandatni period 2015-2019.godine. Strategija se temelji na sedam glavnih strateških ciljeva i sedamnaest podciljeva.

Glavni strateški ciljevi razvoja DZ Bihać su:

STRATEŠKI CILJ 1: Poboljšanje dostignuća Doma zdravlja Bihać, uključujući povećanje dostupnosti zdravstvene zaštite i njenog kvaliteta.

STRATEŠKI CILJ 2: Unapređenje rada na pitanjima preventivne zdravstvene zaštite.

STRATEŠKI CILJ 3: Razvijanje informacionih tehnologija i efikasnije prikupljanje, obrada i analiza informacija o poboljšanju rada Ustanove i pokazateljima zdravlja stanovništva.

STRATEŠKI CILJ 4: Promovisanje stalnog učenja i unapređenja znanja kao jednog od vodećih principa rada Doma zdravlja Bihać.

STRATEŠKI CILJ 5: Unapređenje procesa planiranja, razvoja i obuke ljudskih resursa i optimalno korištenje postojećih kapaciteta.

STRATEŠKI CILJ 6: Jačanje aktivnosti na polju izrade, implementacije i upravljanja projektima od interesa za unapređenje zdravstvene zaštite osiguranika grada Bihaća i Doma zdravlja Bihać.

STRATEŠKI CILJ 7: Unapređenje rada u svim službama Doma zdravlja Bihać

2. Operativni ciljevi za rad ZU DZ Bihać u 2017.godini

U skladu sa usvojenom strategijom razvoja ZU DZ Bihać za period 2015-2019.godina, na prijedlog menadžmenta ZU DZ Bihać, Upravni odbor utvrđuje operativne ciljeve za utvrđivanje programa rada doma zdravlja za tekuću godinu.

Operativni cilj 1: Unapređenje kvaliteta rada i sigurnosti u DZ Bihać (veza str.cilj 1.)

Operativni cilj 2: Unapređenje rada preventivne zdravstvene zaštite (veza str.cilj 2.)

Operativni cilj 3: Promovirati javno zdravstvo i sistem zdravstvene zaštite (veza str.cilj 1, 2.)

Operativni cilj 4: Unapređenje razvoja ljudskih resursa i informacionih tehnologija (veza str.cilj 3,4,5)

Operativni cilj 5: Kapitalna ulaganja u DZ Bihać u 2016.godini (veza str.cilj 7.).

Svi navedeni operativni ciljevi usko su vezani za strateške ciljeve Doma zdravlja Bihać.

3. Rizici

Rizici u realizaciji operativnih ciljeva ZU DZ Bihać vezani su za sljedeće faktore:

- Sociopolitičko i ekonomsko okruženje u kom funkcioniра Dom zdravlja Bihać,
- Nedostatak finansijskih sredstava za podržavanje,
- Otpor promjenama,
- Nesklad između potreba i zahtijeva zdravstvene zaštite u odnosu na realnu mogućnost finansiranja.

➤ Sociopolitičko i ekonomsko okruženje u kom funkcioniра DZ Bihać:

Ekonomska kao i politička nestabilnost na USK ali i državi, velika nezaposlenost, povećanje stope siromaštva su značajan faktor povećanja bolesti među kojima se ističu stres, depresije, kardiovaskularna oboljenja, dijabetes i mnoga druga oboljenja. Povećan broj pacijenata sa izraženom potrebom čestog dolaska u zdravstvene ustanove s jedne strane, nemogućnost ulaganja u kadar i opremu s druge strane, su visok rizik implementacije zacrtanih ciljeva DZ Bihać od kojih najznačajnija stavka predstavlja unapređenje kvaliteta.

➤ Nedostatak finansijskih sredstava za podržavanje:

Dom zdravlja Bihać je zdravstvena ustanova neprofitnog karaktera i sve finansiranje svodi se na ugovorena sredstva sa ZZO USK za pružanje zdravstvenih usluga samo osiguranim licima. To nam jasno govori da se liječenje neosiguranih lica vrši na teret zdravstvene ustanove. S druge strane sredstva koja se dobiju od ZZO se namjenski troše i dovoljna su samo za plate zaposlenih i materijalne troškove potrebne za ugovoreni period. Sva dodatna ulaganja u prostor, opremu, kadar itd. treba

obezbjediti iz drugih izvora što je Zakon o zdravstvenoj zaštiti jasno izdefinisao. Dom zdravlja Bihać ima prostor, zadovoljavajući kadar i kvalitetne projekte kojima bi se uz finansijsku podršku osnivača vrlo brzo implementirali strateški ciljevi.

➤ Otpor promjenama:

Strateški ciljevi Doma zdravlja Bihać kao i reforma primarne zdravstvene zaštite kojoj se teži kroz implementaciju zacrtanih ciljeva zahtijevaju promjenu organizacijske kulture zdravstvene ustanove. Postojeća organizacijska kultura u DZ Bihać nije u potpunosti zadovoljavajuća, a jedan od značajnijih faktora uticaja na istu je tzv. „status quo težnja“. Težnja menadžmenta jeste upoznati zaposlene sa ciljevima ustanove u kojima je „pacijent fokus interesovanja“, gdje se mora stvarati pozitivan interaktivan odnos, empatija, graditi povjerenje. To zahtijeva određene promjene u ponašanju zaposlenih. S druge strane očekuju se i određene promjene u ponašanju pacijenata. Naime, sistem porodične/obiteljske medicine zahtijeva disciplinu ponašanja pacijenata, naručivanje na preglede, maksimalnu uključenost pacijenta u očuvanju zdravlja, što pacijenti teško prihvataju. Ove promjene su neminovne, za potpuno prihvatanje potrebno je vrijeme i radi toga trenutno postojeći otpor od strane zaposlenih i pacijenata predstavlja rizik brze i kvalitetne implementacije planiranih ciljeva.

➤ Nesklad između potreba i zahtjeva zdravstvene zaštite u odnosu na realnu mogućnost finansiranja:

Povećanje oboljelog stanovništva čije liječenje stvara veće troškove zdravstvenoj ustanovi, te nemogućnost dodatnog finansiranja kako bi se isti pokrili, stvara s jedne strane pacijente koji su nezadovoljni (duge liste čekanja) i s druge strane zdravstvene profesionalce takođe nezadovoljne radi nemogućnosti provođenja standarda kvalitete koji ne poznaju pomenuti nesklad.

4. Program rada ZU DZ Bihać za 2017.godinu

Program rada DZ Bihać za 2017.godinu je urađen u skladu sa zacrtanim strateškim ciljevima ustanove. Glavni zadatak menadžmenta i svih zaposlenih jeste unapređenje kvaliteta rada i sigurnosti, odnosno nastavak započetih aktivnosti procesa akreditacije. Implementacija planiranih programskih aktivnosti će doprinijeti kvaliteti rada ali i povećanju zadovoljstva naših korisnika. Sve službe u DZ Bihać su izradile svoje planove rada za 2017.godinu u skladu sa navedenim operativnim ciljevima. Poseban akcenat u individualnim planovima daje se promotivno preventivnim aktivnostima.

OPERATIVNI CILJ 1: Unapređenje kvaliteta rada i sigurnosti u DZ Bihać (veza str.cilj 1.)

1. Izrada nedostajuće dokumentacije za unapređenje kvaliteta rada ustanove
 - 1.1 - Izrada plana unapređenja kvaliteta i sigurnosti u DZ Bihać
 - 1.2 - Izrada procedura
 - 1.3 - Praćenje provođenja usvojenih procedura
2. Suradnja sa lokalnom zajednicom
 - 2.1 - Izrada i usvajanje akcionog plana o suradnji DZ Bihać i grada Bihaća na polju unapređenja zdravstvene zaštite
 - 2.2 Izrada analize stanja i procjena zdravstvenih potreba stanovništva

OPERATIVNI CILJ 2: Unapređenje rada preventivne zdravstvene zaštite(veza str.cilj 2.)

1. Izrada plana nastupa prema javnosti i komunikacije dom zdravlja-javnost po pitanju preventivne zaštite:
 - 1.1. Izrada plana medijskih nastupa;
 - 1.2. Marketinške kampanje u svrhu informiranosti stanovništva.
2. Provođenje preventivne zaštite na terenu:
 - 2.1. Izrada plana provođenja kampanja stomatološke preventivne zaštite u osnovnim i srednjim školama;
 - 2.2. Izrada plana sistematskih pregleda i vakcinisanja učenika osnovnih škola.

OPERATIVNI CILJ 3: Promocija javnog zdravstva i sistema zdravstvene zaštite(veza str.cilj 1,2.)

1. Promocija javnog zdravstva i sistema zdravstvene zaštite:
 - 1.1 Izrada plana nastupa u TV, elektronskim i štampanim medijima sa ciljem podizanja svijesti o sistemu zdravstvene zaštite;
 - 1.2 Izrada plana i organizovanje marketinških kampanja povodom Svjetskog dana zdravlja i drugih dana koji se obilježavaju kao svjetski dani pojedinih oboljenja ili invaliditeta sa ciljem prosvjećivanja stanovništva;

- 1.3 Promocija poslova preventivne DDD za koju DZ posjeduje odobrenje od strane F Ministarstva zdravstva – Izrada plana posjeta Menadžmenta firmama i slanje ponuda mailom ili faxom.

OPERATIVNI CILJ 4: Unapređenje razvoja ljudskih resursa i informacionih tehnologija (veza str.cilj 3,4,5,6.)

1. Nastavak nabavke računarske opreme u svrhu informatizacije porodične medicine i ostalih službi DZ Bihać;
2. Nastavak nabavke/unapređenje informativnog sistema i uvezivanje sa ZZO i drugim zdravstvenim ustanovama.

OPERATIVNI CILJ 5: Kapitalna ulaganja u DZ Bihać u 2017.godini (veza str.cilj 7.)

1. U 2017 godini se planira nabaviti:
 - 1.1 – Aparat za drobljenje/sterilizaciju medicinskog otpada;
 - 1.2 - Nabavka dva ambulantna vozila za HMP sa pratećom opremom-(u slučaju pozitivnog ishoda EU IPA prekogranični projekat sa Zavodom za hitnu medicine Karlovac);
 - 1.3 – Vlada USK je na listu kapitalnih ulaganja 2017-2019 uvrstila zamjenu krova i stolarije na glavnoj zgradi DZ Bihać – pozitivna odluka se očekuje u 2017;
 - 1.4 – nabavka putničkog vozila za potrebe ustanove;
 - 1.5 – nabavka opreme za stomatologiju (micromotor, stolice i digitalni RTG aparat);
 - 1.6 – nabavka opreme za Centar za fizikalnu medicine (laser);
 - 1.7 – nabavka nedostajuće opreme za umrežavanje (15 računara, printer i ostala informatička oprema).

IV KONTINUIRANE AKTIVNOSTI

U svrhu kvalitetne implementacije programskih ciljeva u toku 2017.godine Dom zdravlja Bihać će provoditi kontinuirane aktivnosti kako u zdravstvenom tako i u nezdravstvenom sektoru kako slijedi:

1. Kontinuirane aktivnosti u 2017.godini zdravstvenog sektora

Vodeći se načelima sveobuhvatnosti, kontinuiranosti, dostupnosti i načelima cjelovitog pristupa u skladu sa mrežom i kapacitetima cjelovitog pristupa, kontinuirane aktivnosti koje provode zdravstveni profesionalci su pružanje zdravstvenih usluga kao i usluga preventive. Broj planiranih usluga i preventive koje će se kroz kontinuiran rad svih službi DZ Bihać realizirati unutar kapaciteta Doma zdravlja Bihać u toku 2017.godini dat je kroz naredni tabelarni pregled.

Planiran broj usluga za 2017. godinu

Redni broj	Naziv službe	Planirano usluga u 2016.	Ostvareno usluga u 2016.	Planirano usluga u 2017.
1	Služba porodične medicine	96.935	109.487	100.000
2	Opšta zdravstvena zaštita	39.382	42.606	30.000
3	Studenti	9.588	108	9.588
4	Medicina rada		5.653	-
5	Hitna medicinska pomoć		49.149	-
6	Kućno liječenje	14.014	25.607	14.000
7	Zdravstvena zaštita predškolske djece	9.711	20.070	9.700
8	Zdravstvena zaštita školske djece	11.122	15.801	11.000
9	Zdravstvena zaštita žena	18.281	20.758	18.000
10	Higijensko-epidemiološka služba	11.990	12.352	12.000
11	Centar za mentalnu rehabilitaciju		12.825	-
12	Centar za fizikalnu rehabilitaciju		108.896	-
13	Pneumoftziološka zdr.zašt.	18.955	16.910	19.000
14	Ultrazvučna dijagnostika		3.965	-
15	Radiologija		6.139	-
16	Polivalentna patronaža	7.767	9.496	7.700
17	Laboratorijska dijagnostika	46.232	214.318	50.000
	Zubozdravstvena zaštita			
18	predškolske djece	5.112	1.418	5.000
19	školske djece	14.852	14.994	15.000
20	Odraslih	19.518	15.105	20.000

Planirani broj usluga preventive za 2017. godinu

Redni broj	Naziv službe	Planirano usluga u 2016.	Ostvareno usluga u 2016.	Planirano usluga u 2017.
1	Služba porodične medicine	64.623	42.058	70.000
2	Opšta zdravstvena zaštita	6.950	4.926	6.000
3	Studenti	2.382	8	2.400
4	Zdr.zaštita predškolske djece	9.711	11.387	10.000
5	Zdr.zaštita školske djece	7.415	6.101	7.500
6	Zdr.zaštita žena	12.190	10.786	12.200
7	Pneumoftiziološka zdr.zaštita	3.345	1.350	3.500
8	Zubozdravstvena zaštita			
-	predškolska djeca	3.345	2.368	3.400
-	školska djeca	6.365	13.389	6.500
-	odrasli	3.444	7.487	3.500

2. Kontinuirane aktivnosti u 2017.godini nezdravstvenog sektora

U programskom dijelu navedene su optimalne strategije i aktivnosti koje treba poduzeti za dostizanje planiranih programskih ciljeva koje će biti primijenjene na svim nivoima upravljanja i rukovođenja u Domu zdravlja Bihać.

Kontinuirane aktivnosti vezane za nezdravstveni sektor u 2017.godini će se odnositi prioritarno na kvalitetniju organizaciju rada u 2017.godini, izradu nedostajućih akata, kao i ostale aktivnosti kojima će se unaprijediti poslovanje DZ Bihać.

2.1.Organizacija rada, upravljanje i rukovođenje

Upravljanje i rukovođenje u 2017.godini zasnivaće se na Zakonu, Pravilniku o radu unutrašnjoj organizaciji isistematizaciji, Statutu i drugim normativnim aktima ustanove. Upravni odbor Doma zdravlja Bihać sa upravom Doma zdravlja će osigurati neophodne uvjete za održivi razvoj i uspješno funkcioniranje ustanove u okviru raspoloživih financijskih, kadrovskih, materijalno tehničkih sredstava.

Za uspješnu realizaciju programskih ciljeva za 2017.godinu odgovorna je uprava DZ Bihać kojeg čine direktor i lica sa posebnom odgovornošću. Uprava će pokrenuti u 2017.godini izradu nedostajućih